


引吉

其成

大臣

倫而



所以

勵精

庶事

百官

之

臣

庶

事

之

成

庶

事

之

吉

庶

事

引言

甚哉仕學之不可偏廢也
人臣之功莫大于庶事之
脩而所以勵精庶事者莫



引
大子揣摩之熟所立何品
所長何技李吉甫之裴垺
難得則呂蒙正之夾袋可
師也故夫留心人才者銓

衡之學長于生節搜蠹惟
精者會計之學熟典故知
大體以綱常名教爲已任
者秩宗之學能識拔將校

習邊澥情形者筦樞之學
明律意長懷仁恕之心者
士師之學規畫久遠體恤
工商不屑嗇目前者綜理

之學經術曉暢可備顧問
論事可思善啓沃主心者
經筵侍從之學持法守正
彈劾不避彊禦者風憲之

學廉隅之飭簠簋之防凜
凜四知嚴絕暮夜者守令

之學總其名曰大乘復約
其用曰資深逢原否則名

利根纏才具雖多未可言
學優也茲刻蓋有兼善焉
讀藿論而知自宰執以至
郡邑之良莫不有窾縻之

張四
可循也讀辯體而知自長
篇以至尺寸之幅莫不有
規繩之難越也

朝廷大事無踰軍政屯漕齧

驛諸務故各憲所

題請所咨檄則以抒獨見
爲尙官方要略無過定命
遠猷法紀諸章故諸司之

文告之條約則以無勦說
爲高下之敷陳忠赤上之
斟酌德音鐵案嶷然如山
矜疑煦然若日申詳批駁

其收功定績不淺矣爭毆
戶婚小也而大存命盜逆
姦大也而小昉灑泣于賓
王移市于庾信讞語獄辭

其生殺予奪不侔矣化民
成俗師儒爲先學政者外
新耳目而內新心志使秀
民日新作新而共以新命

一云爾足國裕民財賄是斂
賦役者業則有貢而地則
有征使天下無游無曠而
因以無貧二云爾蓋學優則

仕匪抱空質而後談民人
社稷也必有挾以先資者
在赴任之初須知之蚤矣
五禮攸屬匪襲虛文而漫
言吉凶軍嘉也必有犁爲
儀注者在達道之日貴舉
之詳矣從古析圭擔爵者
其官職之崇卑有分而仁

愛之深淺無分昔子有云
脩己以安百姓事體到來
察其便于百姓卽行妨于
百姓卽止委實簡要只明

明百姓二字用之觀人則
是照膽鏡用之處事則是
定盤針然則仕也學也天
人參焉者也學主沉實仕

主發揮賦于天而學以克
之則惟吾心所自主非質
所能拘而才智自足不必
強求操持自堅毋容姑息
天下豈有不能廉不能慈
之人性哉讀仕學大乘者
其鑒諸

康熙丙午春王正月古滇

止止居士漫題于犀照堂

堂

新輯仕學大業卷之一目錄

三制 犀照堂主人彙纂

○○○部臺藿論

犀照堂輯

○○○題奏則

犀照堂輯

○○○辯體之一

犀照堂輯

○○○定格之二

犀照堂輯

○○○擡頭之三

犀照堂輯

○○○備式之四

犀照堂輯

○○○備選之五
條議驛遞
條議賦役

江南
秦瑞襄
關東人

○○○監司藿論
犀照堂輯

○○○總攬藩要
四則
犀照堂輯

○○○別釐藩弊
四則
犀照堂輯

○○○右藩安略
犀照堂輯

○○○總攬臬略
犀照堂輯

○○○摘釐臬弊
犀照堂輯

○○○守巡藿論
犀照堂輯

○○○糧儲藿論
犀照堂輯

○○○驛傳藿論
犀照堂輯

○○○郡館藿論
犀照堂輯

○○○邑宰藿論
犀照堂輯

○○○咨移辯體
犀照堂輯

○○○告示辯體
犀照堂輯

○○○批駁辯體
犀照堂輯

○○○招議大略
蘇石水先生

○○○為政規模
蘇石水先生

新輯仕學大成卷之一

〇〇〇部臺藎論

部臺一體憲綱其事宜載在方策規約須續全書所集力偕三
 十六條實取計吏九十五條今古畧同班班可考毋庸贅也但
 時移勢易其中之因革損益詳畧重輕當為隨機區畫者敢以
 藎言上勦求治如事例之續申所載者精核考察禁止奢侈此
 申汪鏗之議也除奸革弊激濁揚清此申王廷相之議也禁酷

三淵

犀照堂主人彙纂



刑○革○騷○擾○懲○勢○豪○正○士○風○此○申○毛○伯○溫○之○議○慎○刑○獄○專○責○成○則○
又○申○王○廷○相○之○議○及○保○舉○止○於○卓○異○此○申○張○孚○敬○之○議○而○今○分○
五○等○考○績○則○宜○查○遵○新○例○按○等○保○奏○不○得○又○臚○卓○異○之○名○制○臺○
統○屬○文○武○則○調○劑○兵○民○者○宜○慎○責○成○於○革○騷○擾○之○內○兩○臺○均○轄○
刑○名○則○料○理○
欽○案○者○宜○革○奸○弊○於○慎○刑○獄○之○中○是○因○革○損○益○之○大○端○也○至○於○
獲○逃○之○數○上○下○均○有○考○成○而○走○險○如○驚○者○恒○多○造○誣○雖○偽○無○不○
雪○而○雪○者○已○破○身○家○此○當○細○為○體○察○又○若○徵○解○之○期○已○嚴○掛○銷○
催○督○而○耗○蝕○怙○終○者○泥○沙○度○帑○雖○例○引○盜○漕○而○駢○戮○何○償○國○

計○要○在○先○事○清○釐○尤○有○玩○愒○成○風○者○累○人○出○押○在○在○見○告○則○因○
清○獄○之○不○嚴○而○收○頭○陽○革○陰○留○結○案○之○不○速○而○重○羈○日○久○生○弊○
此○本○源○之○宜○明○慎○也○更○有○目○前○易○忽○者○下○馬○呈○狀○往○往○下○委○則○
民○冤○不○能○上○達○而○貧○贖○得○借○揜○藏○風○俗○不○及○下○諮○而○妍○媸○莫○歸○
屏○照○此○新○臨○之○宜○親○審○者○是○又○詳○畧○輕○重○之○數○端○矣○又○有○新○局○
可○賊○者○年○來○巨○豪○金○穴○自○雄○訟○無○不○勝○妻○人○絕○少○理○直○之○牘○於○
是○狡○焉○思○逞○者○激○為○叩○
閣○之○舉○反○據○誦○張○尤○而○效○之○咥○及○所○司○遍○於○直○省○是○宜○存○衆○惡○
必○察○之○經○勿○為○情○面○所○誤○左○右○所○乘○自○貽○伊○戚○可○爾○若○夫○駸○臺○

惟以清課疏引為任體雖一而轄在釐惟省於事外覈於事中
一以典制老成為質毋為神業所據便可裕國通商淮蘆兩
浙經畫雖殊而舍絕販屏私之外無他異術也至若茶馬亦以
清課疏引為任許青嶼之條議已周但更加意於屯牧則無剩
義矣倘採可資之體如左

題 奏則

○ ○ ○ 辨體之一
○ ○ ○ 疏章以明白愷切為率此古今定體也第於從政則有
奏之分任內公務具以狀聞則用題本如薦舉則宜考覈

○ ○ ○ 詳慎蓋奉新例一等二等稱職俱著保奏則為數甚多不比
○ ○ ○ 舊舉卓異僅一二入稍有未實貽舉主保後或有改操亟須
○ ○ ○ 摘明預奏庶免別糾滋累也如糾核則宜確核倘臆近奉
○ ○ ○ 例督撫題參所屬要據實事必提明揭報不比臺省風聞便
○ ○ ○ 行入告倘無實事每致駁查或有所參不處不特憲網利純
○ ○ ○ 抑恐被劾心輕也如奏銷須磨對款項慎清數目儘已查明臨
○ ○ ○ 發不妨再核勿可憚煩以致部駁也如回奏須細體外行之意
○ ○ ○ 備揣內慎之因一切費審成格具覆務期得情協法即有難結
○ ○ ○ 展限雖已得展亦須作速催完勿以獲寬泄視及至限滿又請

上學人
卷一 辨體
三
車觀堂

再○展○益○滋○迫○促○也○至○如○具○題○犯○案○須○遵○備○提○刑○理○刑○者○語○確○符
律○例○罪○贓○勿○以○喜○出○怒○入○致○成○寬○濫○漏○網○古○人○判○牒○不○輕○下○筆
誠○以○上○體○好○生○曲○全○不○忍○不○啻○陰○功○無○量○抑○且○夢○寐○俱○安○也○至
於○已○事○具○疏○如○請○封○請○蔭○請○恩○請○卹○以○及○承○襲○辯○明○之○類○不○論
官○民○具○奏○俱○必○援○例○上○請○以○便○部○據○覆○行○充○當○婉○轉○陳○情○謙
恭○巽○順○摠○之○明○白○愷○切○者○其○體○敬○慎○謹○凜○者○其○心○雖○以○疏○章○具
奏○要○如○面○君○廷○對○則○下○語○自○無○隕○越○所○謂
天○或○不○違○顏○咫尺○者○是○也

○○○定○格○之○二

奏○本○高○一○尺○一○寸○九○分○濶○三○寸○一○分○字○六○行○一○行○二○十○四○格○寫
二○十○二○字○留○二○格○作○檯○頭○題○本○原○高○八○寸○今○後○多○只○用○一○尺
或○一○尺○一○寸○濶○三○寸○三○分○六○行○十○八○字○然○須○會○同○時○式○常○見○有
不○合○式○而○奉○飭○行○者○故○當○慎○之○本○後○接○尾○紙○務○要○五○六○行○或○一
二○行○或○十○張○可○接○若○是○無○字○止○有○計○字○或○止○有○年○月○過○張○接○者
係○下○違○式○兩○縫○各○用○鈴○印○本○後○貼○黃○摛○前○畧○節○不○得○過○一○百
字○添○陳○款○項○摛○入○款○頭○不○可○煩○冗○違○式○點○看○事○例○一○面○印
一○年○月○上○印
一○計○字○紙○張
一○填○小○日
一○前○件○逐○一○點○看○明○白
一○前○後○稱○臣
一○書○吏○背○書○畫○字
一○奏○故○用○印○顆

封皮盛貯用黃紙油紙如法封裹用黃袱夾板子畢

○ ○ ○ 擡頭之三

第一擡頭

太祖 太宗 世祖 皇考 皇上 太上
欽差 欽奉 大赦 聖德 聖恩 聖斷 聖諭 睿裁 恩詔
表文 聖恩 特恩 聖斷 聖諭 上諭 御覽
御製 宗廟 祖宗 宣召 清廟 九廟 太廟
皇陵 兩宮 九重 神聖 宗社 社稷 君父
聖母 天朝 閣 詔 勅 乘輿 龍顏 開講 萬壽
天朝 皇太后 皇太子 大清律 以上用第一擡頭
皇太后 皇太子 欽頒 以上用第一擡頭
皇太子 欽頒 以上用第一擡頭

第二擡頭

俱可類推擡起不能盡述
皇太子 欽頒 以上用第一擡頭
皇太子 欽頒 以上用第一擡頭
皇太子 欽頒 以上用第一擡頭

第三擡頭

今旨 敬奉 笺文 朝政 國憲 山陵 宮禁 園陵
敬奉 笺文 朝政 國憲 山陵 宮禁 園陵
敬奉 笺文 朝政 國憲 山陵 宮禁 園陵

請 駕 寶 題 表 箋 朝 園 陵

享 以上用第二擡頭 遇 同 亦 以 類 推

覲 以上用第二擡頭 遇 同 亦 以 類 推

備式之四 保奏 薦舉 舉劾 糾參

題為請

旨定例等事准 兵部咨 該 臣 覆考 得 某官 某云 應考 二 等 勤

職理合保奏除將咨到 某官 某 保結考語本官事實清冊

咨送 吏部都察院考核外 臣 謹具

題伏乞

題伏乞

題伏乞

題伏乞

題伏乞

勅下部院再加考核施行保奏式

題為循例薦舉方面官員事臣嘗深維風紀之說而知吏治

之貞邪必有所自外吏則監司其表率也譬之振衣者必
挈其領舉網者必挈其綱經領之地得人而有司可次第
推也臣謀承

簡命單騎入疆所與同心共濟者唯監司是賴初察其官其云

臣即白簡從事自茲而後益共砥礪參酌興除講求利弊
無不同心呼應間有未率如其官其者臣又合疏糾彈而
更張之矣此外皆錚錚自好恪共乃職錢穀刑名事事咸

理臣謹遵例薦舉以備

皇上不次之擢除其官其官其官其官
各以履任方新恢弘有待未敢概列正薦外所有應薦共

若干員謹一一品薦為我

皇上陳之

計開

某省左右布政司其云云

某省按察司其云云

某道參議兼僉事其云云

上學人共 卷一 備式 云

其道副使兼參議 其云

其道副使 其云

其道僉事 其云

以上諸臣皆一時方面之良所當薦揚以備

擢用者也伏乞

勅下吏部覆核如果 臣言不諫將其等從優

擢用謹

題請

旨 薦舉方

題為循例舉劾有司官員事 臣維吏治之貞邪關民生之休

戚故曰得一賢守如得勝兵百萬得一賢令如得勝兵十

萬蓋誠重之也 臣切膺

簡命職在察吏安民凡地方之積害錢糧之積侵衙門之積蠹

彙右之積奸及囹圄之積寃靡不殫精竭慮任怨承勞吏

治積寃因而稍振 臣今例有舉劾除 其官 其云 其官 其

云 俱經陞任 其官 其云 俱經行取 其官 其其 其官 其其

官 其 俱歷俸尚淺不敢概列正薦外其有循聲素著及劣

跡彰明者謹據聞見合之司道府刑所報分別為裁

皇上陳之

計開

應薦有司官共若干員內

知府幾員

某府知府 某云

同知幾員

某府同知 某云

通判幾員

某府通判 某云

推官幾員

某府推官 某云

知州幾員

某州知州 某云

知縣幾員

某縣知縣 某云

以上諸臣皆一時有司之良所當薦揚以備

擢用行取之選者也此外如其官某云 云 因某項一事蒙議某

官某云 云 因某事蒙議其明未覆某官某云 云 因兵餉摘

上學大集

卷一 備式

五 見

何...

卷...

七

卓...

參續完未經開復俱才品應薦而限於
功令不敢遽及統望
聖明鑒別

應劾官幾員

其官其一本官云

議者也臣查薦額不止若干人今惟據實薦楊寧嚴毋濫

不敢取盈一併

題明伏乞

勅下吏部查核如果臣言不謬將其等分別

擢用行取其等重加議處施行謹

題請

旨舉劾有司式

題為特糾

睿斷處分事

為若何

皇上陳之

一本官云

勅下部院再加查核如果臣言不謬將其照例議處施行謹

貪不謹 嚴軟 監司仰祈 不及 老病

惟監司為守令紀綱大法斯小廉嚮應况某郡

重地乃有某官其者云臣謹會同撫臣某為我

所當照其例議處者也伏乞

題請

旨特糾方
面式

題為特糾

貪不謹
酷不及

罷軟有司仰祈

睿斷處分事

臣惟其官之

職其事為先况其府為某地要區更

當若何

方能理繁剖劇乃有某府某官某者云云

臣謹據

之見聞合之司道府刑揭報為我

皇上陳之

一本官云

云此一官者云

云所當照其例嚴加追擬者也

伏乞

勅下吏部查核如果臣言不謬將其嚴加追擬施行謹

題請

旨特糾有
司式

題為給由事案准吏部咨

如按院添案奉都察院勘劄准吏部咨為欽奉

上諭事內開道府州縣一應滿漢官員必三年任滿方許陞遷

等因通行遵奉在案今據某布政司呈詳開稱蒙臣批某

道詳據某府申准本府某官某呈稱職年若干歲某省某

府某州縣人由某項某年某月除授今職本年某月某日

到任扣至某年某月某日止連閏實歷俸三十六箇月三

七
一
一
一
一

年任滿例應給由該本司左布政司某考得本官云云既
 報及瓜給由乞協稱職呈詳到臣據此該臣覆覈無異考
 得某官某云云乞為稱職應准給由除行令本官照舊接
 俸管事其行過事實等册布政司經送各部科查核外今
 將考過緣由會同樞臣某具

題伏乞

勅下該部覆加查核施行謹

題請

旨由式給

題為循例表揚節孝以遵

恩詔以勵世風事臣惟閨門係風化之原孝行為百善之首故

易訓從一婦貞詩咏蓼莪子道然而去古甚遙世風漸靡

若非

聖人激勸何以砥礪化源故表揚一事匪僅為此節孝教人勸

也先奉

恩詔一款查舉孝子順孫義夫節婦今臣巡歷所至通行有司

採訪著令都里公舉務報節孝實蹟取具甘結不得止憑

學校虛飾故套今據道府詳報摘其父節景善奇孝極著

者○共○若干人○謹○逐○開○列

上○聞○其○餘○平○等○尋○常○俱○入○憲○綱○獎○勵○未○敢○彙○列○及○先○經○

題○過○者○亦○不○敢○重○錄○外○伏○乞

勅○下○禮○部○核○議○覆

請○旌○表○施○行○謹

題○請

旨○

計○開

烈○女○幾○口

某○氏○某○府○某○縣○人○係○某○女○某○歲○許○配○某○為○妻○云○該

臣○看○得○云○結○勘○既○同○允○宜○表○揚

貞○女○幾○口

某○氏○某○府○某○縣○人○係○某○女○某○歲○許○配○某○為○妻○未○婚○云

氏○年○若○干○守○節○見○年○若○干○歲○該○臣○看○得○云○結○勘○既

同○允○宜○表○揚

烈○婦○幾○口

某○氏○某○府○某○縣○人○係○某○女○某○歲○適○某○為○妻○云○該○臣

看○得○云○結○勘○既○同○允○宜○表○揚

節婦幾口

其氏其府其縣人係其女其歲適其為妻云云氏年

若干守節見年若干歲談臣看得云云結勘既同允

宜表揚

孝子幾名

其係其府其縣人其子云云談臣看得云云結勘既

同允宜表揚

順孫幾名

其係其府其縣人其孫其子云云談臣看得云云結

勘既同允宜表揚以激勵風化者也表揚節

題為其事某年月日准吏部咨考功清吏案呈吏科抄出該

某官題前事等因某年月日奉

旨云欽此欽遵抄出到部咨行到臣談臣牌行按察司將某

等提寃去後於某年月日據按察司某呈開問得一名某

年若干歲某省某府某縣籍由某項除授某官於某年月

日到任今奉

旨革職提問狀招云等因招解到臣據此談臣看得云如奉

據此談臣會同某官臣某看得云既經按察司具招詳

解前來該臣覆審無異相應具

題伏乞

勅下該部再加核議覆

請施行謹

題請

旨

○備選之五

疏議另彙二集暫選數條備仿

條議驛遞

題為調劑驛困永除民艱事竊惟民間力役之苦向雖由於

江南秦瑞寰諱世禎巡按

丁田近又不盡由於丁田地方偶有一二公事明幫暗貼

日益月增非若條鞭之有定數故不特丁田之上苦於條

鞭即丁田之外又苦於貼臣受事以來無弊不欲別無困

不欲難乃驛遞之流毒於今更烈臣請先陳驛遞困弊之

源而後商調劑之法如屬雲陽以南為水路要衝雲陽

以此為水陸交衝通因乘傳者絡繹遂致應者煩難前站

船頭疊相詐害不依勘合火牌船馬兼支分外苛索或行

白牌凌逼官長捉拿居民及至勉備夫馬又要折乾稍不

滿慈沿途鎖打越站不放往往馬倒夫死一時額銀不敷

備選

公○差○勢○不○能○待○遂○有○護○令○里○下○喂○養○馬○匹○而○里○民○又○苦○不
諳○練○仍○催○積○猾○馬○戶○包○當○恣○其○科○派○差○至○輟○去○仍○累○本○里
支○當○有○司○官○吏○反○視○幫○貼○為○常○更○將○額○銀○侵○剋○漸○且○以○幫
貼○為○名○以○之○私○派○入○已○因○循○沿○罷○害○冒○忍○言○揆○厥○所○由○一
困○於○支○應○無○度○再○困○於○勞○逸○不○均○苦○心○打○筭○期○不○妨○公○害
私○則○縣○驛○之○衝○僻○互○分○別○也○錢○糧○之○多○寡○宜○裒○益○也○除○松
江○僻○居○原○無○應○付○常○揚○稍○衝○額○足○應○付○外○查○極○衝○者○淮○安
之○山○陽○一○縣○鎮○江○之○京○口○炭○渚○雲○陽○三○驛○在○淮○向○議○幫○貼
馬○銀○七○千○四○百○五○十○四○兩○在○鎮○向○因○湖○州○協○濟○不○前○外○議

幫○貼○馬○銀○四○千○四○百○六○十○九○兩○二○錢○豈○其○樂○輸○寔○皆○勉○應
高○郵○州○地○不○甚○衝○馬○亦○粗○備○惟○送○船○人○夫○派○南○關○舖○戶○五
十○八○家○幫○貼○綱○夫○銀○四○百○五○十○餘○兩○江○都○原○有○之○夫○半○被
公○佔○另○議○幫○貼○銀○四○千○兩○寶○應○派○飛○差○夫○三○五○百○名○二○縣
幫○派○臣○見○行○查○單○徐○州○一○帶○近○因○山○東○路○梗○俱○假○道○中○州
邳○州○與○房○山○驛○昔○雖○僻○而○今○稍○衝○已○設○站○船○四○十○隻○堪○以
代○馬○若○昔○衝○而○今○僻○者○東○岸○利○國○桃○山○三○驛○省○存○江○西○浙
江○等○處○協○濟○銀○九○千○三○百○六○十○一○兩○五○錢○臣○請○以○之○改○解
淮○之○山○陽○外○有○餘○銀○一○千○九○百○七○兩○五○錢○以○之○改○解○鎮○之

二學... 卷一 倫選... 五

三驛而三驛原有湖州協濟銀六百九十兩三錢尚不敷
銀二千五百六十一兩七錢則東路既梗蘓州安德等驛

馬役銀向已省存改充雜項今奉
旨較正賦役全書應於此項照數撥補所餘者本府之長洲吳

縣吳江三邑馬僅八十三匹走遯不暇每匹每日工食草

料止給八分應比鎮江成例加足二錢并量抵各處不敷

夫數則所派民夫一切幫貼盡可革除如有放給扣剋計

贓論罪正如六脈調而病自去也惟是隣省協濟膜視不

解望梅豈能止渴莫如就近鎮江府解北馬解銀內扣抵

即以江浙協濟代鎮江解北馬價庶督催尤易一轉移而

公私兩便不必加徧丁田而民困少甦矣除從前驛害

悉以兵部條例頒發循環填報如違指叅榜示馬頭禁約

外所有分別衝解裒益多寡及會解協濟事情雖非加額

統開錢糧相應具

題伏乞

勅部擬議上

請行 臣 遵奉施行謹

題請

旨

順治九年正月初六日奉

旨着議奏該部知道

置郵積窳。給茶南北畧均。古今一轍。篇中說得淋漓痛切。當與鄭監門流民圖並垂。勿泐。每念先達作令。備晰維艱。及晉秩乘傳。又恒耿耿於供億之織。讀此當為晨鐘。蘧省。不啻江南爾爾也。

○○○條議賦役

題為江南賦重差繁徵解失期民不堪命。按江南秦瑞襄。諱世禎。關東人。命啟陳末議仰候。

聖裁嚴飭立除積弊以興永利事。臣惟江南錢穀幾當天下之

半額重緒禁易業奸蠹有司不知惜民裕

國玩愒因循而解遲庫洗推原其故始自那移後沿為利或

於一年之內借甲應乙或於數年之中徵新益舊究至有

抵者不追既追者不補輾轉那移遂成烏有且濶給兌支

濫放雜項一遇催解正供稱民欠因而會計本無則巧

立名色由單不發則先期預徵牌籤疊至而隨竭於蠹差

火耗重加而囊傾於暴斂加以總書扇書改輕作重產去

糧存而脂敲於掊剋又軍恤等項輕糧皆奸豪攘據漕白

等項重糧盡小民支當即部頒會計經一衙門必有一番
暗加賦重之害也若夫田多差重遂皆花分子戶詭寄
隔區止餘零星小戶至有合八百餘人而當一年收頭以
一二釐起差合五十九人而僉一名糧長者况員役絡繹
倉場兌未開而私費已竭押兌聯旗勒索未足而豁墾
已盈此差繁之苦也然賦役原從田亩而起自蠹猾區霸
漏脫暗裁將熟捏荒冊不明註甚而會計之外又入蘆政
科糧如是等弊不可勝舉若不截釐將何底止臣今細諮
參酌約法清查除存留起解見在較正送部查考節年那

欠一面通行確查外所有賦役利弊條議務詳故字限逾
格統祈
睿鑒賜原謹將各款為

皇上陳之

計開

一田地槩縣丈量願此失彼徒費時日且滋弊端今會
業主同扇書畜書自相丈量分別田地山坡塗蕩務
須號段步口魚鱗畜三冊相合每一里長給一印冊
後有轉賣契內註明該年里長查對明白居間畫押

不獨田無脫漏且荒熟瞭然並可杜盜賣投獻重複諸弊

一總書將額定各款托言會計未定暗加徵追完後方發由單先已納透今定夏稅五月秋糧九月即將額定糧銀填給由單便納遇有部文增減照則另給小單但部文亦須在開徵前到方免奸胥藉口

一由單舊不列田糧總額故撒數任憑暗增今定單式首列田土總額下註頃畝次列本折總額下註銀米再列花戶姓名下註撒數既有總撒又有夫冊絲

一徵糧往往差擾遇限完次緊北印官心煩憑書指欠為完朦朧免責以故頑欠恣延今設立滾單每甲填給一紙納完將單滾至次戶臨限單不滾過者經催里長拘比未完者不必伺候法簡易辦可免追呼民甚稱便

一徵收銀櫃用司府州縣印封以防私啟流水收簿亦用印縫仍於第二葉連面填實上蓋司印以防收刺空白納戶封投守櫃止者平色隨填登簿若無司府

印信即是假冒。立赴稟究。蓋恐收銀時用州縣印簿。吊查時將司府印簿改完作欠。捏做假數。謂之磨光冊。

一 解放印官先將本年錢糧至急次急稍緩可緩分為

八項立案收完親筆若干兩先急後急詳報院司轉

文啟櫃拆解立付領批人員勒限掣銷放則立喚經

該員後當堂認領合辦本色勒限完驗果解放依期

自無那移不經衙役自少侵欺一年已週除已完作

正支銷外未完另櫃帶徵真正完欠荒區粟給各役

工食及孤貧口糧往各兌支則庫銀既不濫放。又知

民欠真假。

一 差役惟徭里銀兩從丁均派其糧長等差因消長不

一 故五年編審但印官豈能周知令聽各糧里於本

區中不拘土著寄庄人戶將丈冊畝冊排門冊逐戶

查對若有有名無人者即係花詭假冒報官當差庶

無偏枯之嘆亦無賠費之累。

一 田賦既清徵解有法而那移不禁終為漏卮惟各屬

備用雖供應事出倉猝乃勢所必需若不立經久之

法○又○開○那○移○之○漸○今○備○用○銀○兩○每○事○節○省○額○外○不○得
透○支○大○兵○供○應○照○出○征○軍○馬○律○應○付○准○除○但○要○明○白
申○報○院○司○達○部○定○奪○以○外○再○有○那○移○律○有○杖○一○百○流
三○千○之○條○一○千○兩○降○級○五○千○兩○罷○黜○之○例○所○當○再○加
嚴○飭○若○無○追○補○罪○坐○侵○欺○以○後○布○政○司○將○徵○解○原○冊○季○一○吊○查
年○終○造○冊○報○部○容○隱○並○加○議○處

國○計○下○係○民○生○伏○乞
勅○部○議○覆○如○果○臣○言○可○採○上○請

天○語○特○加
嚴○飭○著○為○永○例○庶○儆○玩○除○弊○勉○力○裕○供○矣○謹
題○請

旨
順○治○八○年○九○月○十○二○日○奉

旨
該○部○議○奏

清○丈○自○量○滾○單○追○欠○今○成○石○畫○良○規○茲○疏○於○一○省○為○勅○而
天○下○通○行○具○見○大○經○濟○之○區○處○必○用○全○副○精○神○不○僅○以○方
隅○者○過○至○於○全○疏○之○快○徹○所○謂○如○立○高○岡○無○遠○不○見

一 備選

以下三則畧摘其端然有不敢明言者有不可顯摘者自在
 任事別整嘉意振刷

○ ○ ○ 監司藹論

錢穀刑名筦子藩臬全書律例要於精詳夫人而知之也然契
 緊在於總攬大權別整要弊乃攬權而未總其大則紛雜而反
 多叢脞矣別弊而未整其要則察淵而反漏吞舟矣如藩司總
 核通省錢糧款項甚繁收解甚雜立內號而稽察是矣然類各
 分任其目每多推諉必須精明善筭者統轄其綱則無掛漏之
 患查緩急而給放是矣然類俱詢責經承每多飾對必須自出

主○張○而○勿○惟○聽○批○發○則○杜○冒○領○之○弊○分○正○雜○而○派○解○是○矣○然○正
項○之○中○又○有○緩○急○謀○項○之○中○亦○有○後○先○必○須○通○盤○打○算○統○計○收
存○若○千○派○解○若○千○瞭○然○胸○中○不○致○傾○此○失○彼○驗○批○迴○而○速○發○是
矣○然○完○納○之○中○恒○有○那○移○掛○欠○之○數○反○有○作○完○必○須○對○同○收○簿
果○係○照○批○完○納○銀○數○相○符○立○時○檢○發○不○致○胥○役○留○難○至○於○歲○造
段○絹○布○物○等○項○必○須○核○寔○給○造○嚴○查○般○實○毋○得○但○聽○開○說○致○有
疎○虞○信○受○陋○規○後○貽○反○釐○通○來○刁○競○成○風○侵○蝕○者○必○行○開○抵○不
可○不○填○又○若○差○催○府○縣○報○解○銀○文○必○須○為○不○得○已○計○差○限○覆○毋
得○沿○報○坐○催○反○延○時○日○空○取○報○文○仍○無○實○解○向○集○謀○差○坐○耗○難

完○者○愈○耗○愈○虧○不○可○不○察○至○其○大○者○通○屬○之○賢○否○繫○焉○新○例○以
徵○解○十○分○為○率○必○磨○對○明○確○報○憲○達○部○無○致○錯○悞○貽○愆○次○則○公
車○之○路○引○出○焉○新○例○以○有○無○抗○糧○為○憑○必○行○查○備○實○給○引○出○批
毋○致○錯○遺○取○咎○再○則○收○叅○之○詳○撥○屬○焉○新○例○以○不○許○代○辦○為○禁
必○挨○次○頂○叅○嚴○除○買○替○無○致○爭○奪○紛○囂○此○其○大○畧○也○臬○司○總○核
通○省○爰○書○出○入○死○生○轉○關

欽○憲○急○完
欽○件○為○第○一○義○是○矣○然○隔○省○咨○提○動○經○歲○月○有○無○犯○証○尚○費○詳
明○轉○盼○而○六○月○之○限○已○逾○請○轉○而○數○旬○之○內○莫○結○是○當○預○期○申

說○迅○速○招○詳○以○免○稽○遲○之○累○若○案○關○叛○逆○不○難○於○拘○犯○而○難○於○說○迅○速○招○詳○以○免○稽○遲○之○累○若○案○關○叛○逆○不○難○於○拘○犯○而○難○於○清○產○糾○叅○官○吏○不○難○於○結○案○而○難○於○追○贓○是○當○預○查○籍○沒○駁○核○懸○虛○以○免○責○成○之○累○速○完○憲○件○為○第○二○義○是○矣○然○例○行○轉○批○恒○多○悠○忽○案○歸○承○問○中○或○徇○情○種○禦○每○捺○常○勝○之○權○閭○閭○每○致○覆○盆○之○抑○是○當○間○行○覆○讞○勿○遽○轉○詳○以○滋○無○告○之○寃○若○招○係○奉○駁○必○細○勘○原○駁○之○由○而○詳○研○其○隱○案○係○覆○核○即○再○經○承○問○之○覆○而○仍○核○其○情○是○當○確○加○矜○慎○勿○遽○轉○招○以○成○故○入○之○枉○至○於○人○命○關○天○証○佐○傷○痕○之○必○確○七○殺○二○死○之○必○詳○無○姑○留○疑○實○以○開○漏○經○之○端○無○怒○執○成○心○以○致○深○文○之○詆○出○入○之○稽○駁○勘○無○已○而○苦

主○益○深○拖○累○累○囚○強○半○獄○憐○是○關○於○陰○陽○匪○細○也○又○若○盜○竊○通○地○竈○伏○贓○物○之○必○真○坐○地○同○行○之○必○辨○無○偏○據○原○獲○以○致○鍛○鍊○之○成○無○供○後○換○板○以○啟○買○証○之○漸○轉○展○游○後○株○連○疊○訊○而○事○主○質○解○無○休○真○盜○久○羈○生○弊○是○關○於○防○範○匪○小○也○至○其○甚○者○重○案○多○而○園○庫○滿○則○意○外○之○不○測○可○虞○積○積○墜○而○參○罰○加○則○提○刑○之○考○成○有○碍○抑○且○遲○之○又○久○而○官○吏○易○點○者○反○乘○機○以○免○脫○寃○者○泥○成○案○而○雜○罹○故○遇○有○寃○見○真○寃○必○予○任○內○速○結○此○莫○大○之○陰○功○也○至○於○道○轄○則○驛○監○糧○儲○合○於○省○而○郵○志○離○疏○屯○田○漕○乘○摘○臚○於○沒○守○巡○整○飭○分○於○郡○而○刑○名○錢○穀○制○例○憲○經○畧○同○於○前

監司霍論三十四

仕學大業
運司欽勅道術專轄益務而六運各有異宜利弊隨時措置非
可以成局擬故不及分門論也

總攬藩要 四則

一庫藏錢糧重地到任檢點之後宜常往開視畫明週迴巡察
其外遇有鏽隙須補垣接須除夜則點開宿巡其內遇有共役
須懲戒防源屬蓋恒出於不意而至則衆稟於不怠而嚴此等
慈飭共所知聞但恐藩務倥偬疲勿及特為拈出能於忙裏
留心扁節加真方保無虞

一收銀下庫首宜屏逐閑人即庫內員役不得襍沓往來當冬

眼觀察若有假効馳驅托名閃爍者便須呼詰至外解員役不
令擁衆闖堂當先勅關人若有空手挨傍分頭濶入者嚴行覺
察定法永遵庶無差池收完即加封高官須役退方起倘遇在
庫憲傳不可倉猝遠行亦須高封方往

一給發起解先驗領解員役蓋其誠寔虛花俱可相之形容動
盪難難盡以貌取然亦相去不遙此種道理前人未及但當暗
存於心不可微露於外至於平色水脚當堂清理交收不可轉
展滋弊若有目前新餌終釀日浚貽殃

功令森嚴崇階宜慎此又杞人之所總總而過慮也

監司董論四 十五

任學大書
一藩任古稱方伯署號紫微所司錢穀官評此之廉訪更鉅臬
署已奉關防不第體嚴柳以肅弊合無詳請照例關防不但兩
司一體亦可諸弊少清也敬附芻謀備行採擇

別釐藩弊 四則

一侵欺那移是處恒有而藩司為上下總轄之樞郡邑之侵那
司嘗分任其咎督撫之叅罰司嘗帶掛其愆似乎畢累於上
也然郡邑之侵那必藉藩胥之遮蓋侵者不行嚴追那者不行
徵補侵那者不行解此或行追補解此而旋營高閣種種錮弊
總目藩司出納紛紛文移蠟集不似刑名職守逐件易清如范

范巨浸一葉浮沉故經營得因緣為蓋耳是當於交接時徹清
其緒受事後專重其追以免搞舉株連之咎
一外解到省例由歇家暫項年來經手錢糧通同侵蝕累累百
千比追莫抵是以新例擬於衙役之條兼以近議革其代輸之
役然而黃謀戀棧寔繁有徒是當嚴為禁除以防侵耗
一米豈馬草軍前急需自易官解又啟漏卮猾者買折兌支巧
為漁獵猶僅中飽之肥頑者攬解代納恣為侵牟竟致長鯨之
吸南糧坐糜不貲徒遵投畀草豈旋歸烏有叠遍搜賸往事已
成殷鑒來茲濡戒衣袂是當預飭嚴釐勿俾以民為壑

一州縣徵解無從便取空文報塞坐催就稱竣役又謀別遣之
他究竟有報無輸不得不行再檄檄至再而抑勒經承愈亟矣
甚有拳勇殺差者剋正解私聊免一時狼籍差肥公瘠益滋經
歲之端是當省差除橫以裕急公

右藩要畧

右藩清要安舒肯轄清軍兼理督冊錢法今則軍無可清冊無
可替鼓鑄奉停外爐僅任清稽莖草但莖草兩端竟成牢不可
破之套業馴致愈救愈窮之漏卮十年以前民買民解則有如
按吳疏奏所稱武進派民承辦三十六鄉累費數千緡無錫民
托胥解每束至輸一錢賠贖民浮十倍江寧歇家名曰保識包
買包納一束五分七分之外又差員一分經營三分二厘丹陽
東加二勛差費包費以及掣批每束科至一錢二分推之各屬
各省約畧不甚相遠十年以沒官買官解則有如按浙文告所

仁學大義
云束給一分二厘較之民間平買浮三四厘以為水脚之費解
官似可不賠但或價不全給又或衙役領侵買處先有不清及
至起解混余里為押運蠹差需索解者復勒折乾每束一分二
厘之外又勒二分少亦一分七厘掣批又勒常例總計與江南
概等推之通屬各省約畧亦不甚遠是則官民買解無一不為
厲階然官買官解俞旨煌要在嚴飭該縣擇謹慎衙官
照數全給照價平買不許混余里押不許止余胥解所司收驗
須念辦解繁難嚴禁折乾常例速發批迴寔收論理原諒如此
局外何常不明但做到地位多有上明不知下暗伴之無可柰

何故須加意釐剔情以終如始至于辦豈則侵迫之害更有烈者
州縣不皆明敏經錄覆轍相尋升斗之虧擔石彌之而不足銖
兩之逋經歲替之而莫償催提絡繹節次求金圍繫桁楊甘餘
痛棒不得已而為開抵之路有何產負唯棒殷而食攬債而追
至有一人之欠株連數十餘人一兩之逋閑費數十餘兩仍舊
累及民間彼反逍遙安獄屈指而計曰其可出得若干其曾得
我若干展轉燎原幾成繡網縱令完得一分而波累者倍蓰莫
美矣仁人君子可不怒然憂之耶然上之人責成于下買又難
舍經承而別用一番人禁之于前究之于後搃難破此機關唯

有先與所司預籌慎發確選誠寔而委之不得曰是我經錄不
怕別買聽而付焉或可救獎于萬一耳傷心慘目託諸數陳以
冀思患而預防勿唾饒古則國計民生幸甚

○ ○ ○ 總攬臬畧

一臬司舊止轉招無多 欽件倘有憲案例俱轉批所以署

無留續獄解累因今奉詳慎刑名出入必以臬文為準故具

題首據呈詳方行入

告爰書若無臬勘屢奉駁咨然此任類多補俸待遷每致因循

傳舍通未未完前後考成總算是當該速勿致悠

一臬司所理悉係 欽憲二案否即命盜兩端上所憑以為輕

重下所視以為死生若止據暗轉成恐訛以成訛不親辯明必

致一悞再悞人之生死我之榮辱攸係不厭親研方無後悔

一近以官骸捺鼠回胥擬草所以添設稿房不但權移椽記慮
 有游移抑且衆圍套詞多無遠識大案轉閱毫釐千里萬一差
 池上執其咎允宜以勤補慎稿必親自創裁官有戕行礫務方
 可偶據擬呈蓋凡事俱經酌奪一番遇詢登答具晰不致倉猝
 茫然亦一快事也

一初招解審下或成心出入駁勘覆解下或仍執原詞務以虛
 公聽斷反覆訊研蓋出生入死全在此番承上接下之處設於
 此際或承問預為飾諱不令自我受欺或利口巧詆讞時不使
 強詞奪理匪獨下服神明抑且上孚天鑒

摘登臬弊

一積贖未完致罹參罰者類以難結為辭然其難結者僅

欽案耳隔省之拘提承問之關碍濡遲瞻顧或致稍稽而已有

展限之可請不致未完之掛議餘如人命強盜能如興泉政畧

所行報單限結匝月可竣何難清贖祇緣拳勇禦人以拖延為

解脫遇官必告而翻舊招為新招控駁另詳而搖定招為契獄

挨至官更吏易直置高閣冰況孰計及其必終報部而按年參

罰耶故須以速結為務

一承追贓解臬亦與有考成其未追在犯者比併毋庸置議其

已○追○在○官○者○查○解○當○速○清○釐○多○有○胥○差○侵○蝕○甚○有○官○借○那○移○一○
 旦○撥○餉○立○需○湏○指○無○從○追○解○而○臬○反○分○任○其○咎○是○當○設○立○循○環○
 印○發○納○填○登○簿○半○月○一○查○以○肅○侵○那○之○弊○
 一○案○擬○籍○沒○須○預○嚴○查○當○與○招○由○同○叙○併○將○財○產○家○口○隨○疏○具○
 題○先○行○懸○示○諭○鳴○不○徒○取○官○印○結○便○可○具○文○釀○成○日○後○從○傍○
 指○摘○又○費○多○少○推○敲○前○車○可○鑒○覆○轍○宜○更○
 一○兩○司○守○提○所○至○州○縣○苛○索○不○貲○豁○壑○未○盈○急○如○星○火○調○停○既○
 妥○打○做○一○家○代○為○說○謊○挾○欺○反○致○湏○搖○莫○定○若○非○機○密○重○情○止○
 行○州○縣○提○解○不○可○濫○差○致○擾○

守巡釐論

守○巡○分○轄○外○郡○權○藉○森○嚴○於○省○所○司○之○錢○穀○刑○名○官○方○庶○政○亞○
 於○三○臺○蓋○傍○郡○之○親○臨○憲○署○也○但○今○各○郡○非○有○巨○鎮○駐○劄○即○有○
 副○協○重○防○其○文○武○之○間○首○宜○調○洽○新○頒○儀○注○改○用○行○移○切○要○確○
 查○無○悞○且○成○卒○健○兇○狙○子○驕○蹇○向○以○藐○茲○黎○庶○為○鼎○中○俎○而○觀○
 察○又○新○鑄○其○轄○益○不○得○過○而○問○焉○惟○能○文○武○交○驩○則○戢○伍○安○民○
 斯○有○同○志○史○稱○將○相○調○和○則○士○豫○附○者○此○也○至○若○批○解○之○掛○銷○
 以○督○徵○而○嚴○稽○核○是○當○刻○其○陋○費○限○其○掣○批○訟○獄○之○解○訊○由○郡○
 邑○而○為○受○成○更○當○持○平○速○結○勿○致○久○淹○若○夫○官○方○賢○否○則○憲○察○

任學大... 難周爰諮所寄務令妍媸確覈揚激可風且新例事寔備登無
取涵鋪駢偶以致摘譏又若習俗士風則化行自近樞筦轉移
務為隨地制宜救衰起敝且邇來人心不古亟宜敷教匡扶以
還淳樸至于閭閻之疾苦下或有心而權重莫展上或加意而
勢隔未聞全在觀察之軫恤有如城社之憑陵上或鞭長不及
而莫懲下或慮發其覆而靡劄全在觀察之澄清尤有萑苻之
防嚴于保甲無不下令于流水之原而行無寔效反為厲階所
當省于委查而謹于覺察以及開墾丈量災荒蓄泄上臺例據
以繕疏俱合親行而踏勘庶政固莫觀陳大端畧為條式

○糧道○藿論
因○糧○有○道○轄○不○止○漕○然○而○歲○所○經○營○任○所○考○覈○率○以○理○漕○為○殿
最○是○漕○固○其○專○司○也○舊○有○漕○儲○外○道○總○有○更○舊○兩○道○今○俱○裁○併
於○一○故○其○政○務○甚○冗○工○夫○極○忙○非○銳○精○料○理○不○能○迎○办○解○也○邇
來○條○議○漕○糧○者○慮○無○不○著○論○如○林○刷○弊○如○洗○自○水○次○以○至○會○通
凡○兌○運○之○軍○民○積○困○內○外○之○蠶○食○侵○牟○登○庾○之○完○欠○頭○緒○無○不
搜○剔○彰○彰○矣○但○愚○以○為○未○究○其○源○也○如○坊○水○者○塞○其○流○鍼○砭○者
治○其○標○竭○歲○月○之○力○而○不○能○為○功○則○其○源○首○在○慎○魚○運○也○運○官
為○輓○輸○領○袖○罄○其○才○力○方○克○報○完○誠○以○其○遺○大○投○艱○勝○任○愉○快

卷一 糧道藿論 卓見堂

仕學大業
故特以不次之擢鼓之爾乃有不量力者觀而謀運或煩竿牘
或緣左右捐金領運勢不得不償於漕受事之日即以魚旗
為窟不但賣富更且責貧而貧旗揭債謀克身未到次操券者
已先期而候矣債迫費叢勢不得不折乾盜賣而欠額仍彙于
領運夫亦貧旗之債巧取償于運官耳夫謀運而費出于漕旗
久而併歸于弁如是而欲漕之不欠不可得矣豈僅需索之為
漕害哉亦惟謀運之病源深也至于官兒有
旨漕截有例監免有官給發行月糧有期開行過准有限輕費
防欠起解存留有制漕乘議單班班可考祇在糧憲督理清釐

無俟藿言之贅第于謀運之中甚有衛廢司漕如胡給諫之條
議所言者尤為秕政亟宜釐飭者爾

舟○子○又○瓶○罄○粟○恥○矣○朝○不○解○維○夕○猶○封○侯○勢○必○至○斷○商○絕○粒○以○
 餒○矣○即○使○上○軫○下○憂○能○舍○此○不○封○之○術○乎○水○陸○之○夫○動○經○千○百○
 即○浙○省○城○有○行○壩○橋○埠○一○呼○立○應○者○尚○俱○困○於○力○役○其○他○則○不○
 撥○之○排○門○即○派○之○里○甲○而○包○當○催○倩○如○絳○夫○等○項○名○費○一○二○十○
 金○少○亦○三○四○五○金○積○百○累○千○困○魚○何○底○即○使○官○憐○民○累○能○謝○而○
 勿○應○之○事○乎○嗟○嗟○鞭○撻○之○威○不○僅○施○於○令○宰○供○億○之○浩○唯○竭○澤○
 於○黔○黎○因○論○郵○政○而○痛○切○陳○之○異○
 當○事○之○留○心○經○濟○以○重○念○斯○民○云○爾○至○於○釐○餉○每○頭○之○冒○濫○清○
 查○應○付○之○支○銷○節○省○夫○後○之○勒○索○整○頓○橫○貼○折○乾○之○鉅○弊○昭○昭○

令○甲○處○處○恪○虔○未○敢○以○臆○說○進○也○

任學大業 卷一 三十五 中道堂

郡館藿論

郡守埒於通侯漢之二千石也維時奉詔得舉孝廉察官屬紀
 綱人倫辟掾選用諸不職得以狀聞故車朱兩轡位丞相大將
 軍之次唐宋以後增置節制監司而以二千石隸焉遂為有司
 表率迄今從同同所與相助為理者司馬別駕以洎節推下而
 幕檢知照為領庶務外而令丞簿尉為分庶政雖繁簡衝僻之
 不齊而其錢穀刑名民風吏治愈受成而過問焉是其與昔之
 轄亦從同同也今所稍異者錢糧昔皆解府轉解坐催堀集近
 行徑解藩司雖有督徵之責而僅檄轉催不致坐解畧為安靜

世學大業 卷一 郡館藿論 三十六 草規堂

仁學大業
卷一
部館
論
三
年

然○仍○責○成○分○數○不○可○膜○視○而○貽○摘○帶○之○叅○刑○名○昔○係○府○多○廳○少○
積○績○叢○勝○近○刑○端○歸○刑○廳○雖○鮮○欽○案○之○累○而○猶○有○憲○件○不○能○
遠○清○當○為○速○結○務○令○持○平○明○允○不○可○悠○忽○而○損○精○明○之○譽○至○於○
氏○風○則○師○帥○保○釐○須○稍○伸○嚴○毅○非○同○屬○邑○之○宰○為○母○也○至○於○吏○
治○則○六○計○始○基○須○幽○明○確○覈○非○同○風○憲○之○爰○為○詠○也○遇○有○興○華○
損○益○以○郡○為○主○當○悉○心○籌○畫○如○先○賢○龐○參○諸○公○於○地○方○利○弊○軍○
國○訂○謨○無○不○著○為○典○型○至○今○傳○於○世○法○若○夫○城○社○憑○陵○法○行○自○
近○宜○銳○意○剪○除○如○年○來○蘊○隆○諸○弊○於○錢○穀○料○芻○贖○錢○侵○派○無○不○
釀○為○厲○階○所○當○力○祛○民○害○總○之○承○流○宣○化○樞○機○上○下○之○間○古○稱○

得○一○賢○守○如○得○勝○兵○百○萬○誠○謂○屏○翰○斯○民○於○焉○攸○賴○矣○帝○總○攬○
於○催○科○撫○字○之○成○便○為○二○千○石○能○事○也○至○於○司○馬○舊○轄○軍○捕○然○
以○詰○戎○為○政○弭○盜○為○司○故○以○嵩○事○而○號○之○曰○總○捕○廳○第○此○局○亞○
於○二○千○石○位○在○司○李○上○前○季○格○於○前○後○之○區○不○克○展○布○懷○來○且○
所○司○者○崔○符○樗○蒲○偷○兒○逋○力○以○及○探○囊○畧○販○諸○穢○褻○事○理○此○皆○
類○多○不○屑○不○潔○莫○肯○以○是○標○著○有○聲○今○改○為○科○目○陞○遷○之○地○正○
當○力○振○頽○風○以○為○此○任○廓○清○之○始○諸○如○竊○逃○細○務○不○煩○具○論○祇○
盜○情○一○事○係○地○方○安○危○之○機○不○可○不○肅○而○捕○快○一○流○係○盜○賊○起○
伏○之○要○不○可○不○清○至○其○讞○盜○之○法○詳○載○問○心○續○續○補○於○新○書○者○

士學大業
卷一
部館
論
三
年

已○畧○偷○之○唯○逃○人○一○案○為○新○例○要○務○殿○最○所○關○是○當○嚴○飭○緝○解○
但○有○人○情○險○巖○每○多○借○題○若○婦○無○耳○眼○數○孔○男○無○檔○子○確○憑○不○
可○輕○詳○易○動○蓋○一○輕○執○訊○雖○必○辨○明○而○被○禍○之○身○家○已○先○蓋○粉○
前○已○論○之○悉○矣○尤○當○事○前○預○禁○事○後○痛○懲○以○戒○軋○傾○之○漸○至○於○
別○駕○清○糧○為○務○直○省○皆○全○惟○行○鹽○地○方○則○有○總○巡○織○造○處○所○則○
有○管○局○苑○馬○行○寺○則○有○馬○政○而○獨○行○鹽○之○總○巡○號○稱○難○理○蓋○其○
捕○快○夙○由○亡○命○巨○梟○餌○廠○季○規○所○報○不○過○担○頭○解○比○饒○能○食○棒○
不○惟○專○縱○連○踪○抑○且○假○巡○典○販○偽○鎖○黨○粉○鹽○徒○到○處○公○行○發○賣○
遇○盤○詰○則○曰○所○獲○犯○盜○一○脫○貨○則○竟○沿○途○剽○掠○以○販○運○者○以○劫○

歸○矣○主○者○鞭○長○不○及○于○是○有○議○給○腰○牌○繪○貌○以○稽○者○不○計○其○息○
然○之○際○張○械○鳴○金○以○逞○執○從○而○稽○之○將○虎○鬚○幾○不○免○則○莫○我○敢○
櫻○數○者○之○中○于○茲○為○烈○是○當○不○輕○給○廣○捕○之○牌○不○久○稽○比○銷○之○
限○以○杜○賣○梟○為○暴○之○殃○若○夫○司○李○則○至○今○日○而○為○畏○府○矣○欽○案○
之○難○結○欽○贓○之○難○完○監○免○之○難○肅○以○暨○積○贖○塵○封○之○難○清○種○種○
為○受○過○之○任○年○年○貽○停○罰○之○辱○十○載○以○還○司○李○之○扼○腕○于○積○薪○
者○指○不○勝○屈○近○幸○有○值○季○之○分○任○而○承○問○鞅○掌○少○甦○產○盡○之○入○
官○而○承○追○責○成○少○迨○至○於○監○免○新○奉○專○任○剔○釐○惟○遵○官○收○官○免○
嚴○飭○倉○蠹○悍○丁○則○劇○務○猶○當○易○辨○惟○積○贖○之○難○完○則○甚○為○棘○手○

甚○為○可○虞○重○案○之○久○淹○匪○伊○朝○夕○矣○迅○為○勘○結○則○駭○超○過○半○况
官○更○吏○易○有○難○析○數○端○之○紛○或○存○或○亡○有○孰○起○九○原○之○問○且○久
依○園○土○孰○察○其○疎○乘○間○而○出○柳○者○踵○見○告○也○是○當○深○為○弭○患○之
圖○難○述○衣○袂○之○戒○以○仰○副○借○籌○於○禿○穎○耳○易○之○旅○繇○曰○君○子○以
明○慎○用○刑○而○不○留○獄○事○在○旬○服○者○加○之○意○云○爾○替○誦○獻○規○備○登
如○左

○ ○ ○ 燕尹霍論

齊書南史內傳僧祐三世令山陰並有奇績其所謂作照有譜
則祖孫自相傳秘之示人示劉原明續諸傳為令大有能譽傳
之孫翹又復續之請益於原明答曰我亦更有譜卿家所不載
者臨別當相授如期探之則日飮一升飯不飲酒也以此為言
慎也○可以○洽○今○古○今○天○下○財○賦○如○積○黍○催○科○撫○字○惟○良○有○司○是
庶○有○人○焉○冬○日○溫○舒○夏○雲○靜○及○其○仁○其○賢○井○上○格○之○而○未○嘗○不
以○元○氣○渾○沕○之○擊○鼓○上○堂○序○老○狙○側○目○不○敢○懷○刷○說○邱○書○伍○伯
告○其○算○今○而○發○閔○肚○餒○矣○至○見○百○姓○先○詢○其○疾○苦○聲○抑○而○氣○平

小○有○鼠○雀○輒○下○墻○諭○之○歲○暮○矣○又○曰○春○事○方○始○遣○之○去○孔○子○曰○
昔○月○而○已○可○也○獲○上○親○民○信○及○之○故○八○面○六○虛○萬○端○千○緒○其○斯○
以○為○能○耐○而○秘○譜○之○載○在○夫○袋○者○乎○粵○稽○令○冊○其○最○著○者○宓○子○
賤○鳴○琴○巫○馬○期○戴○斗○尚○矣○總○之○考○西○門○豹○火○起○之○疏○築○也○卓○茂○
范○甯○之○教○生○造○也○薛○宣○之○牒○貪○孔○翊○之○投○駕○也○虞○翻○之○任○羅○也○
孔○奮○之○遠○胎○而○桓○龍○門○之○絕○饋○也○羅○衡○之○鋤○党○也○鮑○昱○之○弭○盜○
也○焦○述○之○先○知○也○陸○雲○之○錄○訟○也○殷○裒○徐○常○之○壑○利○也○沙○穆○鄭○
弘○之○致○雨○也○周○澤○之○奉○公○不○苟○而○陶○遂○之○計○俸○方○食○也○王○渙○之○
重○孝○弟○而○曾○褒○之○正○身○率○下○也○宗○慈○一○明○月○人○寶○一○元○珠○如○春○

秋○紀○事○如○史○記○列○傳○今○之○君○子○其○留○意○而○一○茹○斯○言○

咨移辯體

三臺題稿之外合用咨移但咨移有辯咨則內部外省或本

省同官遇有軍國重務體須詳明愷切未用令據前合咨

貴部煩為查照咨內事理速覆施行須至咨者或銜尊咨次須

用請為查照云移則同省同官如巡撫提督衙門移會

查理禁飭等項未用令據前因合用手本前去移會貴某衙

門煩為查照施行或查賜移覆施行須至手本者至移覆內備

未文畧節遇有奉旨須全備欽此欽遵或事在可商未決亦

須婉轉覆明勿遽率戇開隙以上體雖易辯第於輕重詳畧之

咨移

任○學○士○
間○就○事○權○衡○慎○重○裁○決○通○來○世○洗○下○譎○嘗○于○不○經○意○之○中○釀○日
漫○費○解○之○實○故○於○篇○中○三○致○省○焉○如○開○銷○一○項○近○多○內○部○核○減
然○俱○先○發○後○辦○而○方○造○報○有○經○年○達○部○者○有○數○月○達○部○者○及○核
減○復○至○而○追○補○之○難○反○為○經○發○之○累○莫○若○案○驗○一○到○事○緩○則○估
數○容○定○而○後○給○發○事○急○則○先○行○量○給○而○即○具○咨○商○得○覆○在○先○可
免○批○駁○而○無○核○減○難○追○之○慮○總○之○一○涉○錢○糧○便○當○詳○慎○若○備○民
瘼○更○當○痛○切○倘○係○出○入○刑○名○尤○當○哀○矜○民○命○百○分○謹○凜○方○獲○萬
全○一○念○好○生○九○天○垂○鑒○幸○省○權○言○功○德○無○量

○ ○ ○ 告 示 辨 體

文○告○以○閑○邪○救○敝○為○務○然○憲○示○所○誥○者○廣○不○比○監○司○郡○邑○止○據
一○地○而○言○即○如○兩○浙○則○澤○國○之○民○情○土○俗○異○於○巖○陬○八○府○之○繁
簡○澆○淳○異○於○三○府○然○其○錢○穀○刑○名○吏○治○官○方○以○登○料○民○履○而○社
鼠○城○狐○約○畧○從○同○同○故○雜○舉○數○端○以○彙○括○之○蓋○誠○約○必○切○中○時
弊○方○於○振○肅○有○資○若○籠○統○揣○摩○苟○見○側○出○以○致○依○樣○葫○蘆○終○無
成○竹○何○禪○於○整○頓○剔○釐○之○助○抑○盡○文○告○而○登○之○不○勝○書○也○將○矣
借○箸○子○亦○祇○先○辨○其○體○後○脩○其○式○如○新○臨○之○摠○約○則○於○簡○切○之
中○務○將○崇○卑○貴○賤○逐○項○申○明○透○徹○勿○以○臚○列○而○反○致○漏○遺○若○一

節○之○摘○鑿○則○於○詳○晰○之○中○務○將○前○後○利○弊○徹○底○拈○出○指○明○勿○以○
單○詞○而○視○為○可○畧○蓋○上○行○下○效○風○草○相○因○事○久○弊○生○提○撕○警○覺○
則○於○久○暫○之○中○又○宜○隨○時○申○飭○也○茲○類○浙○牘○較○多○然○俱○挈○綱○攬○
要○推○行○寰○寓○無○不○從○同○而○尤○有○葛○陳○者○未○示○之○前○告○誡○必○先○於○
承○務○而○次○第○舉○行○既○示○之○後○頑○梗○當○申○其○創○懲○而○信○賞○必○罰○毋○
俾○下○視○具○文○民○嗟○套○語○則○地○方○之○補○救○憲○紀○之○嚴○明○可○為○當○世○
楷○模○矣○莫○於○當○事○有○厚望○焉○

批駁辯體

檄○批○允○駁○以○簡○切○謹○嚴○為○第○一○義○然○亦○體○有○異○同○不○可○不○辯○如○
具○詳○應○允○者○條○議○則○遷○加○者○語○批○依○議○通○行○繳○內○有○或○允○或○駁○
則○分○別○摘○發○另○詳○遇○有○大○同○小○異○則○須○批○某○項○某○條○俱○如○議○可○
行○但○某○項○未○協○亦○發○另○詳○錢○糧○則○掛○號○批○發○察○收○掣○銷○查○或○欠○
多○解○少○務○即○添○檄○嚴○批○速○催○完○解○再○選○官○叅○吏○究○等○語○蓋○隨○批○
檄○催○下○知○敬○畏○否○則○解○過○此○須○便○將○此○項○又○稽○矣○故○須○隨○催○以○
緊○之○耳○刑○名○則○批○其○犯○云○依○擬○發○落○繳○有○贓○加○批○贓○着○照○追○
取○庫○收○繳○有○給○主○加○批○取○領○狀○繳○案○若○別○院○有○行○加○批○仍○候○其○

批駁辯體

衙門批示行繳。如其詳應駁者，條議難行。單件亦須細摘多款。逐項分臚，務將時勢情法，揆度唱明，使受駁者心服。錢糧則批此係解部，或撥某餉，刻不容緩。何得混稱？莫欠恣延，仰速嚴催。限幾日內完解，如再遲延，經承提解，重慶官聽飛奏等語。刑名則據招細勘，或重或輕，簡切扼批，駁不可浮蔓游移，反滋疑竇。至于欽案及詳重獄，更須詳慎推敲，所謂求其生而不得，則死者生者俱無憾矣。若有偏執，驀詳及請發審，尤當明辨別批，勿輕狗發，使下懸其竅，而不懼，則任喜任怒，俱莫施矣。

招議大畧

刑部尚書蘇石水 諱茂相

凡論串招，首先將罪重一人作招頭。如事內有應議之人，共

犯，則以罪重者為招首。京官與外官共犯，如俱是應奏請者，

則罪重者為首。京官雖僧道官，若與在外六品以下官共犯，

亦必以京官為首。應議者是朝廷勲德大臣，京官無大小，皆

之列。辭統稍尊，昏須論功定議。致仕官與見役吏共犯，則以

官為首。罷閑官及生儒與吏承共犯，以吏承為首。內臣與

京官共犯，則用官為首。若與在外六品以下官共犯，則內臣為

首。為其應奏提也。有職役人與白丁共犯，必以有職役之人為首。

婦人與男子共犯。婦罪雖重，必用男子為首。僧道與里老共犯，僧道為首。軍與民共犯，及其餘人相等者，悉以罪重之人為首。通將各人事情招出，已獲者稱在官，未獲者稱未到官。脫逃者稱在逃。定罪全憑招眼，最要明白。如竊盜則云：是某窺見某人家有財物，或某物不合，輒起盜心，與某人商謀，某亦不合聽從。於某日某時，分潛到某人家門首，剗開牆壁，進入房內偷出某物，或某分某物，如銀錢各分若干用訖。如強盜則云：訪得某人家積有財物，不合，糾同某人，某人各不合，依允各持鎗棍，於某月某日幾更時分，到於某人家門首，用某物打開大

門一竅，入內，或將事主某殺傷燒傷，劫出某物，或在某富家分散某分得見起某物，或未起某物。如故殺則云：因與某人爭論何事，擻打不合，用某物，故向某人某處狠打幾下，當時氣絕，或某月某日身死，當有某人見証，或某人不合，不行勸阻。延至如誤殺則云：某與某人各不合，用某物，鬪打誤將某人某處誤打一下，因傷身故。若謀殺則云：某向與某人，有仇意欲謀害，不合，與某人相商，某亦不合，設計在心，於某月某日某時分，探得某人獨身在於某處，某叫同某人某執某物，某執某物，潛到某處等候，某人不來，是某為首，令某向伊某處用某物，或戮

訖或砍斃下不死其又向頭上用其物砍斃下或當時氣絕或
 其月其日身死其人當場未嘗動手若同謀共毆人則云其
 一時被其人欺負或交易不明欲洩已忿不合與其人相同前
 去其亦不合依允云云餘做此不拘事情輕重多少須以年
 月順序遇串招出年月多者則云節蒙議頭項下仍依罪重
 在前斬絞徒流笞杖依序擬科重者在前輕者在後各等贓物
 先順事主所失之贓次叙所分之物

此係大司寇公蘇石水先生原本目重加較正庶令初習
 吏事者畧知體槩云

○為政規模

太子太傅 蘇石水 諱茂相 刑部尚書

嘗謂經者聖賢道統之傳律者治世安民之要蓋律以明經則
 所以驗其學者益廣經以通律則所以資其仕者益深嗟夫凡
 觀政事務在評論律條有限事變無窮准者與真犯有間以者
 與真犯相同監臨勢要借貸為准虛出硃鈔同於監臨各者彼
 此同科皆者不分首從借者與者各得其罪監臨主守自盜賤
 從同情其者變於先意即者意盡而復明事發在逃衆証明成
 其犯十惡不在奏請及者事情連後若者文殊上同減降從
 輕遇赦連後以藥迷人圖財罪同律設大法理順人情事無寬

為政規模

抑律可已乎○准以各皆其即及若八字乃是律眼所謂例分
八字罪無出入五刑詳明在官舉呈立案施行爭訟詰告取責
定刑機密重情先擊後行力不加衆暗行奏聞婚姻田地研
審媒鄰人命詳於毆圖竊盜分於疎親稱加本罪加重稱減本
罪減輕二死三流同於一減妾於奴婢加至死刑重則監候待
報輕則即便決刑同謀毆人下手為重同謀殺人造意首論互
相毆打驗傷輕重下手理直減罪二等殺死軍人處死家丁抵
數充軍抵數軍人身死被殺之家勾丁僱人代替出德替身收
籍充軍僱人代替守禦其罪減二科懲問贓須要追究贓証驗

屍要見致死根問奸審問買奸之物強姦論其來歷之先
姦後娶罪有買休之故縱容抑勒斷離歸宗之親男女妄冒仍
依原定原定即妄冒之人有事以財請求難同事受財貪贓
賣放須要過錢之人監臨相盜須要盤點見數無故脫放即有
枉法相回詐欺詢其情由威逼量其重輕叔兄毆死弟姪罪止
論於流刑姪不識姪相毆律科止論凡人監守盜財未獲合依
擅開官封竊盜棄財逃走止笞五十拒捕加罪二等合得七十
之懲發塚見死者絞前子盜母不應毆師加凡二等仍照條例
加刑釋道之師同於伯叔百工之師即同凡人奴婢放火燒主

房屋合依比罵家長律論畜內灌水貨賣比盜種沙之刑棄毀
 辨令首級罪比棄毀楊文立約相打致死當論戲殺以聞詐稱
 平淺死傷亦以鬪殺傷人論監守押解盜點又盜原收例比常
 人僱役代人看守若有侵欺即同監臨父有義絕於母子官得
 與同封母有失節於父子當服於期親庶子官封先封嫡母嫡
 母亡故生母同封生母未曾得贈官妻不致先封文官出將入
 相一辭封侯謚公武職不次擢用蓋因建立事功女子適人從
 夫豕之義繼母改嫁別本族之親姑夫姨夫無服妻舅無服有
 親異姓不許收養立嫡須當同宗表節年過五十三夫止難

旌無子當重娶妾無後為大匪輕尊卑為婚離異以妻為妾改
 正回其奸盜致死不分下手不下一辭償命僱人醫療無制畜
 之法被畜殺傷勿論殺死三人凌遲處死止流妻子造盡殺人
 該斬全家流刑為人後代所養父母斬泉通房與人所生父母
 期親斬哀殺傷期親為子許告不在干名期親殺傷斬哀為子
 私和理當容隱婚姻田土許於攔當人命詐偽不許和平詳首
 准告論于可否休妻成親目為不應強盜竊盜並准出首私渡
 越渡豈可准行同母異父姊妹不許婚姻後妻帶來之女娶婚
 勿論同姓為婚百世不通不許嫁娶良賤攸分罷閑官吏干預

為政規模

官司追銀給告書寫過名暗激人心致死同於佐使殺人土豪
 羣黨就便處治強橫執要申上奏聞三犯竊盜合死十惡押
 解赴京法司許擊賊官亦當論賊卑崇京官未敢擅便武職須
 當論功一人犯罪從重首贓不盡至死減等逃煩被尊改嫁得
 免絞罪之刑貪贓枉法過赦免死亦當除名私鹽賭博止理見
 獲之者藏匿引送追究展轉之人驗傷定其辜限毀物估價定
 刑稱謀二人以上一人持刃即同二人犯罪律無該載可以比
 附定刑若有明條不須繁引律該同罪至死減等條該罪同彼
 此皆刑聞奏分於寬緩奏聞嚴重之名工樂雜戶不屬州縣

籍厨校軍下徒流俱得贖刑婦人犯罪分子夫男之夫之男
 二人之誦男夫一人之稱寺院違犯分子僧尼尼僧之尼二人
 之稱尼僧一人之名印信漏使重子私用之罪軍器私藏輕子
 私賣之刑迎神賽會里長知而不首各答四十通乎假降邪神
 放火殺傷他人畜產各答四十在乎殺傷之分縱放牲畜衝突
 儀仗罪坐守禦在乎不謹守邊將帥使軍外境擄掠財物罷職
 充軍誣造遷徙此流減半准徒二年加誣三等過枉一兩無祿
 減二該答五十之刑過枉一兩有祿減一合杖六十之懲全告
 涉虛或答五而杖六該二千之程以此之故併入答杖通論誣

告死罪未決○加後而有不加之名○全誣告人○理合竄徒○孰彼三
 年之辛○所告數事○輕寔重虛○故無加後之情○定罪要識○招眼行
 移○各有統論○五府照會○六部○六部與府咨呈○府帖州○帖縣
 申州○申府○循序而行○同品衙門○則與平開○豈可鑽等○布政劉
 付各府○各府與之申文○按察故牒○各府各府與之牒○呈六部照
 會○布政○布政與部咨呈○知縣○開出本縣○主簿例有牒行縣○至開
 出典史○呈文本縣○故牒儒學○儒學與之牒○呈凡申○僉名不盡牒
 呈畫字○僉名咨呈○余書不盡○執結翻畫○僉名○之案書判○各有相
 同○為政之事○當有操存○各相犯一○之理論○先取年甲籍貫○供

詞來歷分明○賍証明白○取招不必再三○研審倘有遺失之賍○亦
 當詢其根因○強口言詞○必須察言觀色○撥皮奸詐○須要知策取
 問○如果皂白○難辯晝夜○暗行察情○取責招狀○令其畫字○事無及
 異○擬于五刑○管杖之決○論於大頭小頭○決煩之罪○單衣姦煩去
 衣受刑○徒流死罪○取其復辨○強盜十惡○不待時而決行○其餘真
 犯○秋後處決○雜犯死罪○照例施行○嗚呼○設官以敦教化○置學以
 明人倫○書生淺學○大畧數陳○

